

宋丞相李忠定公奏議

丞相李忠定公奏議卷之三十三

再乞撥還歸京等軍馬奏狀

七月二十八日准樞密院劄子准樞密院七月七日劄子勘會已差撥兵馬計二萬一千六百餘人付李綱使喚奉聖旨依已降指揮疾速星夜前去之任劄送臣疾速施行臣已遵依聖旨指揮自吉州兼程前去湖南之任外須至奏聞者

右臣契勘昨蒙朝廷降下畫一依江東安撫大使呂頤浩例踏逐差兵二萬人已差到任仕安下人兵共計二千七百餘人辛企宗下人兵三千三百餘人郝晟下人兵二千

八十餘人已上共計七千九百餘人外准樞密院劄子撥到見在湖南屯駐韓京吳錫吳全三項軍馬方行勾抽取問人數未到問續准樞密院劄子令岳飛將帶韓京吳錫吳全等兵前去江州駐劄却令臣於程昌禹下勾抽杜湛人兵八千餘人及勾抽張忠彥下人兵四千餘人使喚已上通約計二萬餘人緣杜湛人兵只係二千餘人并近招收彭筠兵五千餘人通約計八千人據程昌禹申鼎澧州見今有鍾相楊華殘黨出沒作過別無兵將可以捍禦乞存留依舊使喚契勘鼎澧州係湖北要害去歲上件杜等兵難以全行勾抽及張忠彥兵見在廣東福建等路

宣撫司及岳飛勾喚並不前來臣累行移文前去亦不
應見委廣東經畧安撫使向子諲前去措置外其杜湛張
忠彥下人兵乞朝廷特賜豁除或別承差使不充二萬人
之數其韓京吳錫吳全等兵已係先降指揮撥隸臣本司
後來續降指揮令隨岳飛前去江州駐劄今來岳飛已蒙
朝廷依舊存留湖南路駐劄更不前去江州其韓京吳錫
吳全等兵却合隸臣本司臣除已劄送逐人照會外伏望
聖慈特賜睿旨施行

到湖南界首謝表

臣綱言伏奉告命除臣觀文殿學士依前左銀青光祿大

夫荆湖廣南路宣撫使兼知潭州充湖南路安撫使馬步
軍都總管不許辭免內外官司不許收接文字臣已祇受
告命遵稟聖訓自福建路起發於今月十一日至衡州茶
陵縣入湖南路界交割本路安撫使職事訖者撫楚粵之
俗於遐方叨將明命觀天人之文於祕殿復與清班惟寵
數之過優知委任之難稱以榮爲愧感極涕零

謝

竊以

荆湖之輿區寔爲東南之重地控引川廣襟帶江淮方特
承平爲一都會屬夷狄之倣擾致盜賊之內訌郡邑凋殘
姦吏因而漁獵田疇荒蕪遺民誰與拊循宜得信臣往膺
重寄如臣者崎嶇可笑結約亡奇徒自信其孤忠曾莫著

於徵效三朝遭遇濫叨出將入相之名七載飄零初無防
患周身之術憶昨歸從海上退處閩中疾病交攻但有餌
藥扶持之志血氣傷耗敢懷撫鞍矍鑠之心豈謂皇恩不
遺舊物付以分閫之重任加以禁殿之隆名中使來臨載
傳溫詔匪頒下逮祗沐湛恩不容一再以懇辭乃爾黽勉
以就職安國久廢豈死灰復然之敢期文淵慨懷必馬革
裹尸而後已此蓋伏遇皇帝陛下法天御極禮道應時明
原青以定是非本何心於用舍脩政事而攘夷狄蓋有意
於翕張致茲憂患之餘亦荷甄收之賜臣敢不激昂素志
澡淪前非撫凋瘵以牧善良宣威靈而戢姦宄承流宣化

遠希循吏之風禦侮折衝更勵虎臣之節

乞差使臣管押呂直等軍馬依舊付本司使喚奏

狀

臣昨准尚書省劄子勘會李綱係前任宰臣已降指揮除
荊湖廣南路宣撫使兼知漳州其合申請畫一事件者候
條具到來竊慮道路遼遠却致稽遲四月七日三省同奉
聖旨應干合行事件並依呂頤浩昨任江東安撫大使日
所得指揮施行臣恭稟聖旨叅照呂頤浩畫一陳乞內一
項許踏逐差兵二萬人數內乞差辛金宗下兵四千餘人
緣本司使喚續准樞密院劄子奉聖旨辛金宗舊管人兵

內除已隨孟庾韓世忠前去湖南外其餘見隸企宗所管
軍兵依所奏撥與李綱及令孟庾候起發日將郝晟一軍
盡數交與李綱應副使喚尚慮兵輕闕人奉聖旨令孟庾
韓世忠候李綱到湖南新任揀抽差過辛企宗元管人馬
盡數撥與李綱應副使喚劄送臣疾速施行臣尋行下辛
企宗契勘昨於福州承福建等路宣撫使孟參政劄子權
差過官兵二百一十四人馬三十疋差將官李守恭使臣
何廣馬俊管押前去又於建昌軍承福建等路宣撫副使
韓少師劄子令提舉董觀察權於軍中差撥過使臣弓前
手王琪等七十五人馬七十五疋將帶前去湖南措置盜

賊又於撫州蒙福建等路宣撫使孟叅政鈞旨差本軍統領官呂直權於軍中及衛兵內差撥過官兵共六百四十馬三十一疋已上共計抽差過兵將八百九十三人馬一百三十六疋累行關送福建等路宣撫司遵依元降聖旨指揮盡數撥還並不關報訪聞上件兵將係孟使差充親兵統制官姚端說諭前項兵將陳狀不願歸辛企宗部下契勘辛企宗交割軍馬之後爲患在假見在吉州將理已乞官祠尋醫不在軍中亦已關送福建等路宣撫司照會勾抽前項人兵近據回報却稱爲有馬友下潰散人兵見在筠袁州作過差呂直李守恭等前去招捕請一面自行

勾收尋差使臣齎文事前去勾收呂直李守恭等赴臣本
司充親兵使喚擬統領官呂直等申今月初十日准宣撫
叅政相公劄子紹興二年八月十日准當月初三日樞密
院劄子樞密院奏福建等路宣撫使孟庾申昨自福州節
次差到呂直等八百五十五人作親兵使喚乞不許諸處
差取右奉聖旨依所乞令孟庾將帶呂直等前來赴行在
劄付呂直更不須前去招捕盜賊臣契勘呂直李守恭人
兵元係辛企宗下所管軍馬節次爲福建等路宣撫司抽
差前去依六月內聖旨指揮合盡數撥還臣本司使喚今
來孟庾却作昨自福州節次差到親兵使喚及不許諸處

差取並不聲說元係辛企宗下人兵合撥還本司之數致朝廷不見得上項因依依所乞令將帶赴行在竊緣前項人兵係是於辛企宗下摘那精銳軍馬前去其所存留人兵并效用使臣頗多冗濫見行揀汰非得呂直等撥還臣本司難以復成一軍緩急何以倚仗伏望聖慈特降睿旨候孟庾到行在日令樞密院差近上使臣管押呂直李守恭人兵依元降聖旨指揮付臣本司使喚施行庶幾朝廷號令必行所係不細

乞下本路及諸路轉運司科敷錢米於田畝上均

借奏狀

係爲本路科借不均乞行下止隨田畝多寡均定

右臣自入湖南界分竊見州縣類皆殘破民戶凋零田土
荒蕪財力空匱每處延見耆老仰體朝廷德意詢問民間
疾苦皆言累年以來爲盜賊之所侵擾官兵討捕又皆科
歛民間應副錢糧次數既頻無可供應上戶類皆逃移往
別路營生拋下田產不復料理其中下戶出賣產業淨盡
猶未足以應副須索是致人戶不敢歸業公私受害臣尋
行體究州縣科歛之弊蓋緣朝廷昨降指揮應合科催物
色並依人戶等第依稅錢每貫合出若干卽榜曉示本路
監司申明乞於田畝多寡定科歛之數聲說不朝遂致官
吏因緣爲姦大拋虛數種種作弊且如軍期不得已而取

於民當換合用之數於田畝上均定謂如合用錢一萬貫米一千石逐州拋下諸縣合先會計諸縣田畝數目如有田十萬畝即合每畝均錢五十文米半升推此言之多少皆可預行約度科率均一民力不至困乏今則不然轉運司約度拋科更不會計合用之數行下逐州逐州虛拋大數抑令諸縣承認諸縣亦不照用行下之數却於田畝上割自椿起錢糧之數謂如衡州諸縣逐次科敷本州行下逐縣令科錢三萬貫米五千石安仁縣却令每畝出錢二百五十文米五升一縣之田約計三十萬畝則科敷之數錢計合出七萬五千貫米計合出一萬五千碩衡陽縣令

每畝出錢五百文米一斛一縣之田約三十萬畝則科數之數錢計合出一十五萬貫米計合出三萬碩通衡州五縣計之一次科數所出錢米不可稱計其間形勢官戶人吏率皆不納承行人吏又於合納人戶公然取受更不催納其催納者盡貧下戶因緣抑勒情弊百端民不聊生其逐年合納夏秋正稅却更不行催理蓋緣受納正稅交收皆有文曆難以作弊其科數之數以軍期急迫爲辭類皆不置赤霄亦無收支文字可以稽考又一路州縣官吏多係權攝與人吏通同作弊侵漁搔擾莫甚於此且以今年計之應副曹成及岳飛并福建宣撫人兵已是三次科率

民力安得不困臣見痛加止絕出榜州縣將前項科須未
納人戶並更不得催理自今以往一切科須並行住罷如
有軍期急關常賦不足非奉臣本司指揮不得擅行科率
却令州縣依法於省限內催理正稅其以前科敷之數依
去年明堂赦文許於正稅內剋折見體究作過實有情弊
官吏續具奏聞乞重寘典憲伏望聖慈特降睿旨以臣所
陳行下本路及諸路轉運司令應干科須並先會計合用
之數於逐州總計田畝上均敷即不得虛拋大數及於田
畝上別行椿起錢糧之數庶幾民戶漸以復業得被朝廷

忘天下幸甚

奏議三十三卷

宋丞相李忠定公奏議卷之三十四

開具本司差到任仕安等兵馬人數留韓京等軍

馬奏狀

臣契勘七月二十九日准樞密院七月二十二日劄子奉聖旨令岳飛且在湖南等路措置追捕盜賊候稍息日別聽指揮續於八月初五日准樞密院七月二十五日劄子岳飛依已降指揮且留湖南等路措置盜賊專聽李綱節制臣已劄下岳飛遵稟聖旨指揮回軍前來本路駐劄未到間今擬右武大夫文州團練使樞密院將領韓京申得岳飛公文八月十一日准八月五日樞密院劄子樞密院

奏勘會已降指揮且留湖南等路措置盜賊今據岳飛奏
曹成賊衆並已破滅招收淨盡湖南二廣別無曹成潰賊
譙韓世忠大軍已到潭州無定李宏馬友入兵及已破劉
忠大寨所有岳飛合依先降指揮前來江州駐劄右奉聖
旨令岳飛依先降指揮立便起發前來江州駐劄申本司
照會臣竊緣本路盜賊全未衰息韓世忠雖破劉忠大寨
其劉忠見在岳鄂間據胡家寨招集潰散軍馬已及五千
餘人馬友潰散人兵見有數頭項各數千人在潭州邵州
界上等處作過近據韓世忠下提舉一行事務董敗申已
獲引到王方一項人兵三萬餘人及曹成下人兵七萬餘

入見在辰沅等州有公文情願聽福建等路宣撫司招撫
非晚起離辰沅川欲自邵州入衡州前去江西路追趕福
建等路宣撫司公參緣董收只帶親兵三千人見在邵州
欲接引招撫曹成王方十萬之衆竊慮難以彈壓其曹成
素來狡獪必謂福建等路宣撫司既已班師岳飛入兵未
到臣所將兵人數不多本路別無重兵故以受董收引接
為辭漸復南來有窺伺湖南及二廣之意萬一猖獗委是
難以支吾蕪楊么下賊黨亦係數萬人見據洞庭湖水寨
周圍一千餘里見今出沒於潭鼎邵州界首作過其餘盜
賊如鄧裝彭鐵大楊華雷進鍾相殘黨等依舊占據巢穴

侵犯州縣未曾討捕今來岳飛却稱曹成賊衆已是破滅招收淨盡荆湖二廣別無曹成潰散賊馬李宏馬友人兵及劉忠並各了當合依先降指揮前去江州駐劄委是故違詔令不肯前來款問朝廷別取指揮兼臣本司亦未曾被受前項聖旨指揮竊慮既令聽臣節制朝廷必須行下臣本司體究岳飛所陳是與不是着實方降處分萬一詔令果是已改不敢再三紊煩朝廷只乞存留韓京吳錫吳全三項軍馬依舊撥歸臣本司使喚庶幾多方措置彈壓自前曹成劉忠楊么等十數巨寇及爲防秋之計若更不蒙朝廷應副韓京等三項軍馬委是見在兵數單弱難以

存立伏望聖慈特以睿旨檢會臣累奏乞存留韓京吳全
吳錫三項軍馬速賜指揮施行今聞具臣本司見管人兵
數目下項

任仕安下元管二千七百餘人一百餘人爲福建等
路宣撫司統領官段恩招誘前去一百餘人在路
逃亡死損見在二千五百餘人

辛企宗下元管四千餘人九百餘人爲參知政事孟
庾帶充親兵前去不曾撥還四百餘人爲福建等
路宣撫司統領官段恩招誘前去見在二千七百
餘人

郝最下元管二千八十人近擬申報只有一千六百餘人

已上三項人兵通計六千八百餘人

小帖子

契勘韓京下兵約計一千五百餘人吳錫下兵約計二千人吳全下兵約計二千五百人三項共計六千人并臣本司見管人通計一萬二千餘人依元降指揮許踏逐兵數尚闕八千餘人如岳飛一項軍馬不可抽摘即乞自朝廷別選近上兵官帶所部軍馬付臣本司使喚充填上項人數庶幾不致闕誤伏乞

賜施行

契勘臣累具奏乞依元數添差人兵累准樞密院劄子撥程昌禹下杜湛人兵八千人及張忠彥下兵四千人付臣本司使喚竊緣杜湛人兵據知鼎州程昌禹申見今鼎澧州盜賊出沒杜湛人兵分布控扼不可摘那其張忠彥人兵據廣東帥臣林通運判章傑申忠彥見在廣州恣爲不法雖已被受臣本司劄子不肯發來公參乞差兵將前來彈壓起發緣臣本司見今兵將單弱不可摘那已具奏乞下江西安撫大使司差撥兵將前去押歸江西舊任此兩項人兵欲

乞朝廷豁除不在臣本司合得兵數之內已累具奏
聞伏乞特降睿旨施行

奏知段恩招誘本司軍兵逃走奏狀

臣近准樞密院劄子樞密院奏神武副軍都統制岳飛申
契勘飛近恭奉聖旨指揮收捕曹成賊馬屢獲大捷分遣
軍馬自廣西追趕至廣東連州并湖南界往回数千里今
節次擬本軍諸將申到有逃走官兵四百七十八人下項
契勘使臣效用軍兵見此暑月被帶衣甲艱辛勞苦法戰
不敢棄甲或將帶衣甲鞍馬逃走改易姓名別投他軍伏
乞朝廷重立賞格通行下神武諸軍并諸路帥臣及逐頭

項總兵官根緝收捉差人押赴飛軍前對眾依軍法號令
所貴帶甲忠勇將士不敢倣倣逃竄小帖子稱獎勅本軍
逃走官兵往往輒投他處收留若不嚴行約束無以懲戒
伏望朝廷給降黃榜一道付飛隨軍張掛及乞止絕諸軍
等不得誘引擅便招收本軍官兵右奉聖旨依所乞令樞
密院給降勅榜今樞會諸軍逃走使臣依例立賞錢三百
貫效用軍兵賞錢一百貫割付臣疾速施行臣已遵依施
行外契勘近來管兵將帥招誘別軍人兵投充本軍使喚
改換名字難以稽考紊亂軍政莫此爲甚且如臣本司昨
蒙朝廷於福建等路宣撫司撥到辛企宗一項軍馬於吉

州駐劄候臣到來其吉州官吏更不支與口食錢米半月
餘日致令典賣罄盡又方丈儀衣賜間發付臣本司文字
到來更不支給衣絹緣此軍兵皆以爲兩司事體不同致
有逃亡人數衆多體問得係是福建等路宣撫司看管老
小營寨統領官段恩用銀絹錢帛行招誘及捉到逃軍趙
俊等供通狀稱探問得統領官段恩每名用例物錢五貫
文省銀壹兩絹壹疋招收別軍人兵是致拋下器甲逃走
前去圖請新軍例物入已使用不期被收後使臣捉獲除
已將趙俊等處斬簽喚令衆外尋劄下段恩根問招收本
司人兵因依及關送韓世忠令根究施行皆不報應今

因岳飛申明逃亡投換之人重立賞格若不收坐擅
行招收將領兵官重加典憲然是難以止絕伏望聖慈特
降睿旨下福建等路安撫司勾追統領官段恩付之有司
根治特賜黜責庶幾少有懲戒仍乞朝廷詳酌立法施行
今具臣本司自吉州以來爲福建等路宣撫司看管老小
管寨統領官段恩招收過人兵共計五百一人須至奏聞
者

乞正李宏檀殺馬友典刑奏狀

右臣准樞密院劄子近據福建江西荆湖南北路宣撫使
司奏潭州申副總管馬友自到潭州擅置刑獄初栲州縣

官僚分遣衙兵肆行劫掠殺害良善無所不至又遣本軍
官遍權屬縣強取錢糧凌逼知通陰苞恣橫及遣牙兵下
村收捉百姓將遲等刻剝金銀每二十人爲一串皆透手
心以索貫之出語不遜欲抗拒王師承武功大夫貴州團
練使統制軍馬李宏公文承馬友勾請前來會合收捉劉
忠既到潭州即無遣兵收劉忠之意言語大段不順宏不
敢依從於六月一日統兵入城已將馬友處置訖除已鈐
束軍兵不令搔擾曉示居民安業外奏聞事六月二十六
日奉聖旨李宏誠心體國勤除叛逆備見忠義可令學士
院降勅書獎諭其馬友軍衆令樞密院給降勅榜撫諭差

使臣齎送前去仍仰孟庾韓世忠措置撫存將湖南江淮
百姓放令歸業外將帶堪出戰人馬隨軍使喚劄送臣照
會臣竊見拱衛大夫成州團練使馬友與武功大夫貴州
團練使李宏皆是北來盜賊侵犯湖南占據州縣內馬友
以嘗殺敗孔彥舟已蒙朝廷勅命除湖南占據州縣內馬友
州駐劄一年有餘雖脅制官吏搔擾百姓掙聚錢糧贍養
徒衆不無過惡然實未見有背負朝廷之迹李宏陰圖殺
害并誅將佐王成等十數人却稱馬友嘗有不順之語不
敢依從於六月一日統兵入城已將馬友處置訖既無證
佐事理難明設使馬友有不順言語及諸般過惡近則有

福建等路宣撫司見在吉州遠則有朝廷皆可申陳聽候
指揮豈可擅行誅戮如殺一副總管以言語訛故加之則
以次將領凡欲戕害將帥者何所不可方今朝廷欲振起
中興之業正當分別是非明辨曲直使號令所及群盜心
服自然不勞兵革可以底定今馬友下潰散軍兵殺萬爲
群散漫於江湖間虜掠作過雖加招撫徃徃以此爲言未
肯聽從今來李宏已隨韓世忠軍中前去伏望聖慈特降
睿旨將李宏特正典刑庶幾四方盜賊見朝廷綱紀既正
漸次率服

小帖子

臣契勘李宋阮殺馬友之後恣其徒黨盜取官司倉庫金銀錢米爲之一空官吏居民盡遭劫掠類皆裸露其所得財物盡於岸下用舡船裝載意欲遁去適值韓世忠前軍統制解元到來盡皆拘攔入城又遣人兵奪門欲出爲解元殺敗數百人事方稍定顯見李宋圖殺馬友本非激於忠義若不明正典刑深慮爲盜賊所窺上累國體不細臣素愚直輒敢干冒天威妄有陳述伏乞聖察

乞令許中收買戰馬奏狀

右臣契勘軍旅之事以馬爲先近年以來金人專以鐵騎

勝中國而中國以步兵當之安能取勝臣誤蒙聖恩委以
荆湖廣南四路重寄其荆湖路接連荆南襄漢江淮一帶
為東南上流最係控扼要害去處所得兵將數目既已不
多又皆步人萬一秋冬之交強敵至至何以捍禦竊見廣
信路接連特磨道多出善馬可以博易朝廷見委廣西帥
司許中計置收買計綱發赴行在訪聞許中收買到馬數
目頗多見於廣西諸處收養伏望聖慈特降睿旨令許中
於買到馬內撥五百疋付臣分下諸軍充騎兵使用仍乞
臣委官自行收買庶幾寬容稍振可以捍蔽一方不致

張忠彥不赴本司公參乞依舊歸江西任奏
右臣累准樞密院劄子差撥張忠彥一項人兵四千餘人
付臣本司使喚臣累劄下張忠彥令起發前來赴臣本司
公參並無報應今據廣東帥臣林通轉運判官章傑劄子
節文稱契勘本路昨因兇賊鄧慶等作過蒙朝廷差江南
西路副鈐轄張忠彥一軍前來擒捕其鄧慶等已係本路
官兵收捕了當准樞密院劄子立便統率軍馬回歸本路
依已降指揮聽宣撫司節制其張忠彥妄以申審爲名並
不遵依朝廷起發兼張忠彥昨在江南西路前後蒙朝旨
令聽楊惟忠張俊李回岳飛節制並不遵依自到本路承

岳飛及福建等路宣撫使司勾喚亦不肯前去今擬張忠
考公文六月十九日申時准荆湖廣南路宣撫司劄子奉
聖旨令忠彥一行軍兵聽宣撫司節制除已遵守施行外
乞應辦合用錢糧等雖有公文如此聲說其實不肯前去
却稱不曾被受朝廷指揮見在廣州招納亡命郭中復宋
安國宋舉正及袁潭等在其軍中日夜謀議恣爲不法愈
見狂勦竊恐別致生事欲乞揀選將佐一兩員精銳一二
千人遣來本路催督押發施行庶幾可以安靜一路小帖
子稱忠彥所爲不法視州縣官吏以爲仇讐今來所陳若
稍漏露必致生變害及一方伏乞密切施行忠彥每聲言

自勸惠入閩中今來乞差兵將令自循惠前來庶幾可
以折其姦謀亦乞照會臣契勘張忠彥前後被受朝旨令
聽諸處節制並不受命今來撥付本司使喚亦是不肯前
來兼臣本司見今兵將單弱難以抽摘前去彈壓其張忠
彥元係江西路副鈐轄欲乞朝廷密切行下江西安撫大
使司差發可以倚仗兵將自循州惠州前去押發忠彥回
歸江西舊任庶幾廣東可以無虞伏望聖慈特降睿旨詳
酌施行

乞本司自備錢本前去廣西出產鹽地分計置煎
鹽奏狀

右臣累具奏聞乞於江西路隣州撥米五萬石錢十萬貫
應副本路支用至今未蒙回降指揮蓋緣本路連年爲盜
賊蹂踐州縣類皆殘破百姓屢經科湏物力匱乏難以再
行敷配深慮目前闕乏無以贍給軍兵招捕盜賊及到本
路官私空匱皆如所料雖多方擘畫應副支遣別無可以
措置理財足用之術喋喋仰煩朝廷方當多事之時決難
逐一指準應副竊見廣西逐年煎造海鹽元額都計二千
一百萬斤近年以來失於措置煎造不及四分之一其餘
皆是失陷之數湖南北路見今通行廣東鈔鹽商賈入納
稅運數目不多遂致闕食每斤價例日漸增長厚利悉歸

商賈民間日食貴鹽見今私販公然行往實難禁止欲乞
朝廷特降指揮許令臣本司自備錢本前去廣西出產海
鹽地分計置煎鹽於二千一百萬斤十分數內只乞二分
之數計四百二十萬斤本司自備舟船脚力搬運前來本
路出賣庶幾鹽價稍平民不艱食贏餘之數可以贍養軍
兵不致仰煩朝廷應副如朝廷以為有侵權貨務之利即
乞依廣東鈔鹽體例於權貨務入納鈔面錢即於鹽法並
不相妨委是利便伏望聖慈特降睿旨詳酌施行

宋丞相李忠定公奏議卷之三十四

宋丞相李忠定公奏議卷之三十五

彈壓遣發重敗降到王方曹成人馬經過衡州出
界奏狀

契勘臣遵奉聖旨統率一行軍馬前來潭州之任近到本
路衡州節次據拱衛大夫貴州刺史福建江西荆湖南北
路宣撫使司撰舉一行事務重敗申依准福建等路宣撫
使司劄子備奉聖旨指揮前來衡邵辰沅等州措置招收
曹成王方兩頭項人兵其王方下計二萬人曹成下計七
萬人自邵州取衡州路前去江西赴福建路宣撫司公參
已關報經過州縣排辦錢糧草料應副到來支遣外申乞

更賜催督等事臣契勘董旼所申招到上件人兵數目浩
瀚兼體問得董旼下隨行親兵只計二百餘人并自衡州
邵州一帶州縣並皆殘破官司倉庫匱竭人戶累經科率
委是因乏尋劄付董旼照會將招收到曹成王方兩頭項
人兵逐一揀選內有老弱不堪之人並行措置放散外開
具的實人兵數目供申續據董旼申已行下王方曹成等
將老弱不堪之人公路放散及到邵州親自揀選除放散
外王方下實管四千六百餘人曹成下實管一萬六千餘
人并老小輜重不下數萬人聲勢差大緣本路衡州及郴
永等州軍兵稀少竊慮上件人馬到來難以彈壓及據本

據監司州縣并衡州父老節次申乞本司留候曹成到來
遣發出界保全一路臣統率一行人馬遂且於衡州駐劄
彈壓遣發自茶陵縣出江西界及那撥錢糧應副支遣至
八月二十八日據修武郎齊拱引領到王方下統領將佐
使臣效用人兵等到衡州已那撥錢糧應副批支起離前
去又至九月初八日據董收引領到曹成下統領統制將
佐使臣效用人兵等到衡州亦已那撥錢糧應副批支起
離前去續據安仁茶陵縣申其上件兩項人兵並已出本
路界去訖其逐項人兵經過衡州合用錢糧草料等並係
臣親在衡州彈壓將本司人兵錢物那撥支給應副遣發

郎不曾就人戶科敷頭至奏聞者

收降到馬友下潰兵步諒等奏狀

據福建江西荆湖南北路宣撫使司八月十五日關勘會
筠袁州管下有李宏馬友下逃避人兵本司尋差官前去
招喚去後今據取到武翼郎閣門祗候荆湖南路副總管
司統制軍馬郝通狀准福建等路宣撫使司差到武功大
夫高州刺史裴淵齎到使司黃旗榜文前來招喚訖外聞
坐郝通乞給降付身等因依勘會本司累奉聖旨指揮催
促發赴行在并已差內侍宣押見遙邇進發外關送臣本
司照會措置施行續據探報有馬友潰散人兵統制官

等將帶人兵二萬餘人侵犯潭州醴陵瀏陽衡山攸縣等處衝突入逐縣放火殺人擄掠作過賊勢猖獗臣本司差使臣戴友端等齎朝廷降到勅榜黃旗并本司榜文前去招撫其步諒等於衡山縣界吳集市創成硬寨或埋鹿角建置木柵將吳集市左側民居盡皆焚蕩差發人兵四散擄掠全無肯就招撫之意臣自衡州彈壓曹成軍馬了當移司前來衡山縣措置差本司統制官武顯大夫任仕安武功大夫康州刺史王俊武功大夫闕門宣贊舍人吳錫統領官馬準陳照湯尚之等統率將佐軍馬前去招捕據武顯大夫本司統制官任仕安申今月十九日承准使

司指揮統率一行將佐人兵往衡山縣吳集市措置招捕
步諒下人兵仕安等整齣將帶所部軍馬連夜渡江直抵
步諒寨前分布軍馬四圍圍掩其賊人等搥鼓發喊拽出
人兵抗拒聞敵仕安等率勵將士用命向前衝突掩擊其
步諒等知勢力不敵出頭馬前情願乞降仕安遂收斂軍
馬相對劄寨節次追喚到以次首領曹立韓海夏沈等同
步諒前來軍中勒令賊兵解甲放釋器仗將老小拽出寨
外一併管押前來公參有日前出寨打擄人兵差統領官
陳照湯尚之等四向招收別具供申臣已行措置將步諒
等逐頭項人兵揀選強壯堪披帶之人結成隊伍撥隸諸

統制官下使喚內有不堪披帶堪執役人輜重火頭祇
其老弱疾患不堪執役情願逐便之人及驅擄到士民婦
女並給公據放令逐便外契勘一行統制統領官將佐軍
兵等委是向前用命立到功效之人臣見開具姓名等第
奏聞乞優與推賞外須至奏聞者

小帖子

契勘馬友下濱散人兵見有一項首領王進王俊等
近五十餘人在湘鄉寧鄉等縣屯泊作過已差使臣
前去招撫未肯聽伏又有一項李宏下人兵元係
元統押自水路前去至岳州濱散見在瀏陽醴陵等

過臣已選差軍馬分頭前去招捕續具奏聞次

契勘今來招撫到馬友下統領官步諒等人兵并老
小近二萬五千餘人除揀擇放散外可得強壯堪被
帶兵六千人已分隸諸統制官下結成隊伍使喚所
有續招收到人兵候見人數即行措置團結成軍分
布使喚別具奏聞次伏乞照會

乞發遣水軍吳全等付本司招捉楊么奏狀

契勘荆湖南北路土賊見今有楊么雷進鄧裝彭友王盈
等各據巢穴出沒作過數內楊么見今擁衆數萬人在湖
南兩界東至岳州西至鼎澧州南至潭州北至荆南府

千里悉為盜區近來再陷澧州侵犯荆南府松滋
縣及於鼎州一帶及潭州益陽湘陰等縣作過於群盜中
最為猖獗體訪得楊么元係鍾相殘黨以妖術鼓惑愚民
其立說謂從之者無稅賦差科無官司法令愚民樂從而
又孔彥舟馬友劉超彭筠散亡之衆盡入其黨以故人數
衆多占據此已後缺

乞給賜度牒紫衣師號變轉修葺解舍奏狀

此篇缺前一段止存狀尾一十九字

第修葺製造廢幾假以歲月漸見就

緒謹錄奏聞

乞將鼎州依慶州等處例帶提舉鼎澧等州兵馬

盜賊公事奏狀

右臣據知鼎州程昌禹申本州竊養軍兵幾及萬人緣盜賊作過調發兵馬四向討拏錢糧委是闕乏本路並無備臣應副澧州旣已殘破辰沅靖州自來係鼎州應副即無錢米可以那移目下只是於本州收拾些少錢糧應副軍兵食用委是急關竊恐別致生事臣已逐急於本司攢那錢三萬貫差官齎付程昌禹處應副支遣外伏望聖慈特降睿旨更有朝廷量與應副施行仍將鼎州依夔州等處體例帶提舉鼎澧辰沅靖州兵馬盜賊公事許程昌禹就近節制謹錄奏聞

小帖子

臣契勘湖北安撫使係在鄂州去澧州并辰沅靖州遠者二千里澧州已係殘破去處及辰沅靖州皆係深入溪洞州軍自來係聽鼎州節制其鼎州係帶一路兵馬鈐轄若令依夔州等處體例帶提舉鼎澧辰沅靖州兵馬盜賊公事許令就近節制責以平賊於本路帥臣自不相妨委是利便伏乞聖察

乞差楊晟傳充湖北路提刑奏狀

本司九月十五日據承信郎權荆湖北路提點刑獄司緝捕使臣王錫狀稱昨隨本司官左朝散大夫荆湖北路提

點刑獄吳珏在全州管下被曹成潰兵劫虜道路不通本
官病患自廣西州縣間道前去荆湖北路至桂州興安縣
其所患加重於八月二十三日身亡蒙本官宅送出本司
銅印一顆係提刑吳珏存日封號令蠲申所屬交割緣本
司簽廳官并吏人等昨為曹成潰兵劫虜之時走散不知
下落兼湖北轉運司亦不知見在去處申乞差官權管湖
北提刑司職事以憑齎印前去交割施行本司勘會湖北
路鼎澧等州管下見有楊么等盜賊數火作過萬數浩淼
其提刑司不可闕官措置尋契勘中奉大夫直秘閣前提
察荆湖北路青鹽楊晟傳見在靖州本官曾蒙朝廷除

舉香鹽官風力強敏請曉湖北事宜除已亟急差楊晟惇
交割荆湖北路提點刑獄司印記藏事權行管幹外欵
聖慈特降睿旨早賜差湖北路提點刑獄官立限令起發
前來赴任如朝廷銓量審問見得晟惇可以充上件差遣
亦乞賜差委所貴一路速得監司可以倚仗協濟頃至奉
聞者

小帖子

契勘楊晟惇本貫靖州諳熟湖北事宜昨來具任自
承朝廷指揮改路之後更不曾前去湖北路界分措
置蓋緣罪遭岳鄂等州例皆殘破本路監司往往憚

於巡按逐州只在遠處行移致一路事無人協力與
州縣料理見今並無監司益見委靡不振所乞朝廷
審量就差楊晟惇伏望睿旨特不拘礙近降本貫指揮
乞下鎮撫使令有寇盜侵犯鄰鎮合出兵迭相應

援奏狀

豫中衛大夫忠州防禦使荆南府歸峽州荆門公安軍鎮
撫使兼馬步軍都總管兼知荆南軍府事解潛申准使司
劄子要見襄州目今事宜契勘本鎮近承德安府復州漢
陽軍鎮撫使陳待制差人齎到蠟書稱該賊桑仲餘黨等
橫興知隨州李道於六月十三日部領衆隨鄧州所

軍馬及逐州百姓共約五六千人前來攻圍本府乞差軍馬應援潛契勘襄陽係與本鎮鄰近接恭依分鎮詔旨俾陞隣好兼近承今年閏四月二十四日樞密院劄子坐奉聖旨非奉朝廷指揮不得擅便出兵緣李橫已承朝旨差權主管襄陽鎮撫使遂移牒襄陽鎮撫使李橫遵依朝旨施行去後今月初八日承德安鎮撫使陳待制關報八月十九日李橫人兵攻打城壁被城上守禦軍兵民等併力捍禦關敵殺退於當夜遠遁前去及捉到李橫隊內牙兵王貴一名言說李橫待到襄陽歇泊後却領人馬來郢州就令去荆南廝打除已措置提備外申本司照會須至奏聞者

右臣竊詳朝廷分鎮詔旨惇睦隣好及樞密院劄子備奉聖旨非奉朝廷指揮不得擅便出兵蓋謂諸鎮平時無事不許擅自出兵相如係有盜賊攻圍理宜互相救援今來襄鄧鎮撫使李橫叛逆擅自出兵攻圍德安府以蠟書求荆南應援解潛却稱上件指揮不敢出兵竊慮有失元降詔旨之意深屬不便伏望聖慈特降睿旨申明元降指揮之意行下諸鎮庶幾協力應援可以捍禦外寇謹錄奏聞

招降到安鎮等人兵奏狀

臣契勘已於九月二十五日具錄奏聞為臣本司差使

官任仕安等統率一行將佐軍馬於衡州衡山縣界共集
市脅降到馬友下潰兵統領步諫等赴臣本司公參外有
日前出寨往衡州安仁耒陽等打虜人兵總轄官安鎮崔
忠等二千餘人未曾回寨本司分遣統領官陳照湯尚之
兩項軍馬取徑路會合前去追襲招捕如敢拒抗即乘機
掩殺取令淨盡不管稍有走透今據陳照湯尚之申統領
軍馬前去捕安鎮等內陳照統兵至衡陽縣界地名黃田
嶺遇賊五百餘人各著異色衣服執持器械分頭前來衝
擊照躬親分撥人馬四下向前迎敵至酉時殺散賊衆除
殺死并重傷外活捉到正賊二十餘人就便解送湖南提

刑呂社交收湯尚之統兵至離衡州五十里地名靈泉鄉
逢賊五百餘人各持擗杖軟纏着綠色衣服殺人放火擄
掠鄉民尚之躬親統率將佐官兵掩擊其賊分布前來拒
敵兩時辰殺賊退走追襲殺死賊徒大半及生擒到一十
九人亦解赴湖南提刑呂社收管訖照與尚之在安仁縣
會合唯使司機宜謝朝散牒探報賊人大段侵犯耒陽縣
管下作過遂各統兵同共前去追襲自安仁縣徑入小路
追從耒陽縣界內名赤土塘又復入高亭大路係通桂陽
監郴州來興縣入廣南路口慮恐侵犯逐處作過遂領兵
從經路迎截至地名苦竹逢賊三百餘人當時說諭招收

谷不肯聽伏前來拒敵照與尚之統兵搥擊殺退賊衆黏
蹤追殺至當月二十八日巳時又有賊馬五百餘人在地
各鴻鶴村放火殺人虜劫作過照與尚之分布人馬前去
對賊說諭招收依前不伏前來迎敵與官軍兩下交鋒闕
敵至晚除殺死并斫到首級外生擒到賊徒八人解赴提
刑呂杜收管照與尚之擁兵追襲勦殺至當日戌時其賊
首安鎮霍忠勢窮不敢再戰遣人前來迎軍告降照等差
使臣劉榮唐慶前去引喚到安鎮霍忠一行人兵於十月
一日到本軍並已管押赴本司公參訖臣已將彼虜脅從
及老弱不堪披帶人願逐便者盡給釋放令逐便外揀選

堪出戰人共一千三百餘人並撥隸陳照湯尚之管轄結
成隊伍聽候使喚臣契勘統領官陳照湯尚之一行將佐
軍兵等用命與賊鬪敵屢獲勝捷又能收降賊首等數人
管押前來並無走透實有功效臣見取索的實立功官兵
等第姓名開排別具奏聞乞優與推賞外須至奏聞者

宋丞相李忠定公奏議卷之三十六

招降到王進等人兵奏狀

據左武大夫泰州刺史荆湖廣南路宣撫使司前軍統制
軍馬吳錫申准宣撫使司劄子使司契勘馬友下潰散統
領王進等五千餘人在湘鄉安化縣界首占據七星寨四
散打虜放火殺人作過先係韓少師并提刑司差人前去
招安一向遷延不即前來公參近有一頭項三百餘人以
受招安為名前來潭州江西岸道林寺屯泊緣使司在衡
山縣措置步諒人馬未到州間却陰與潭州城內已前
到入兵通謀表裏相應誘引城內人兵數百人出城前去

歸隊一夜乘船直抵城下意在背叛作過劫取錢糧當被
使司先差往潭州彈壓統領官李建覺探得知領兵討賊
賊船其賊連夜走歸七星寨合大隊依前公路殺人放火
據州縣申到賊勢大段猖獗合行招捕劉錫仰將帶統領
官李建馬隼焦元等各統所部軍馬齎使司榜文前去
捕至十月初十日過大瀉山瀉壠莊逢賊五百餘人於兩
山埋伏被本軍將官睦貴差白旗子綽探得知領兵從四
山並進掩擊賊兵奔走入七星寨錫遂帶領一行軍馬前
去追襲當日晚離七星寨十里下寨先差效用李青齎
司旗榜前去招撫錫即便擁軍於十一日絕早到七星

口內有一項王俊等帶領一千餘人先次開走遠去外其
王進等走往蔡塘恃守山險占據地利創立碑寨勢甚
衆兵直抵賊寨分布高山四面圍掩其賊無所逃遁勢力
逼迫方據李青於賊寨內將引到提轄徐彥出來報獲稱
王進等三千餘人願就招降錫為先准使司指揮如賊意
願就招降即不得恣行勦殺當時遂遣統領官李建焦元
馬準與將官哇貴許權直入賊寨諭以禍福其間尚有引
衆勢奔考韻無此字江右方言並上声持也槍刀不受招降之人遂指令軍
馬圍定寨門收挺對衆處斬號令彈壓賊衆盡納器械錫
即時管押所招降到王進等并老小赴使司公參訖所有

一行將士等委是用命向前圍下賊衆賊徒知不獲免哀
鳴乞降不欲殺戮實有勞效伏望詳酌特賜保明申奏乞
朝廷推賞施行須至奏聞者右所據統制官吳錫前項申
述臣除已一面勘會立功人等第詣實別具保明申奏外
所有招降到王進等一行人兵臣已措置揀選將老弱不
堪披帶執役及被驅虜人給據放令逐便外其強壯堪從
帶人並撥隸諸統制官下使喚訖所有王俊等領一千餘
人鄖次探報見往邵州界作過臣已差統制官吳錫等再
領軍馬前去追襲措置招捕施行

按發張揆等在任取受不法奏狀

據右承務郎權通判潭州軍州事張揆申自靖康元年節次於本州置到宅子兩所房錢五貫并於湘潭縣置到田土及於孤遺買到莊子通共四處委是妨嫌申乞詳酌依條對換一別州通判理到任月日或令揆折資罷任施行臣契勘權潭州通判張揆於本州既有物產委有妨嫌合行罷任已劄本官依所乞罷任外體問得張揆元係修職郎權知湘潭縣因孔彥舟占據潭州與揆鄉里令傳雲差揆權通判揆與彥舟通家往還至以妻妾奉之倚其勢力與成忠郎權知長沙縣林之問縣尉張傑等同作姦弊恣為不法以科黥為名百端搔擾類多入已及彥舟叛去又

與林之問因馬友在潭州依舊因緣為姦任內於湘潭等縣置買田宅假託唐暉孟廓等名目置買并將諸縣官田低價估賣竊落取受及與林之問收到諸處空名官告度牒自擅書填出賣得錢入已贓數鉅萬自知所為不法陰養亡命以為羽翼竊賊狼藉罪惡貫盈臣已勾追張揆林之問張傑等枷項送所司差潭州長沙縣丞李綬置司推治及委轉運判官王淮監勘追干連證佐人等根勘情節續具案申奏外須至奏聞者

乞宮祠奏狀

臣昨准告命除臣荆湖廣南路宣撫使兼知潭州內

官司不得收接文字臣以閑廢之久早衰多病不敢親當
奏竒之重具奏辭免伏蒙聖慈特遣中使傳宣降賜教遣
疾速赴任臣仰迫天威力疾就道衝冒暑熱得痢瘡之疾
久不痊愈既到本路夙夜黽勉究心職事以圖尺寸之效
少報大恩而臣憂患之餘疾病交攻志慮凋落動輒遺忘
深恐無以仰副委任之意有誤國事伏望聖慈察臣數千
里冒暑遠來到本路已及三月餘日仰體朝廷德意罷去
科須拊循凋瘵民漸歸業遣兵將降到馬友下潰兵除放
散外得強壯近萬餘人分隸諸將措置防秋亦漸就緒目
今湖南路別無大段盜賊境外亦無警急探報即非有所

規避特降睿旨依舊除臣一在外官觀差遣別選能臣付
以四路重寄使臣得就開散尋訪醫藥庶幾未先犬馬以
填溝壑異時蒙被驅策誓極殫捐干冒天威臣無任惶懼
戰越之至

推勘張浚等不法奏狀

本司先體訪得右承務郎權通判潭州軍州事張浚元係
修職郎權知湘潭縣因孔彥舟占據潭州與浚鄉里令傳
勞差浚權通判浚與彥舟通家往還至以妻妾奉之倚其
勢力與成忠郎權知長沙縣林之問縣尉張傑等同作姦
謀志為不法以科敷為名百端搔擾類多入已及彥舟

去又與林之問因馬友在潭州依舊因緣為姦任內於湘
潭等縣買置田宅假託唐暉孟鄭等名目買置并將該縣
官田低價估賣羸落取受及與林之問收到諸處空名官
告度牒自擅書填出賣得錢入已贓數鉅萬自知所為不
法陰養亡命以為羽翼姦賊狼籍罪惡貫盈本司已將逐
人枷項送所司差左宣教郎長沙縣丞李綬置司推治及
委右朝散郎充湖南轉運判官公事王淮監勘本司已具
錄因依奏聞及申尚書省照會去後不住催促十月三十
日據推勘官李綬及監勘官王淮申勘到張揆入已贓二
萬七千八百餘貫紬絹一萬三千九百餘疋林之問入已

藏一萬三千四百餘貫絀絹六千七百餘疋所招情犯因
依除已係推勘院具案奏聞外臣契勘張揆林之問等倚
賊為姦作過累年前後侵盜官錢刻剥百姓脂膏贓私入
已不可數計緣經營姦利日久交結小人蹤跡詭秘今來
按發勘鞫其張揆等類以簿書不存證佐亡歿官司難以
稽考臣以潭州盜賊方定人始復業深慮干連枝蔓不欲
一一研窮根究其推勘院止令據目前見在證佐有文字
可以追會者根究勘鞫已見逐人贓數不少死有餘罪外
揆林之問李珏通說曾見孔彥舟言揆有勸彥舟據二賈
庭不可分付別人之語雖林之問李珏兩人通說一同

得為彥舟不在揆不招伏獄無從勘揆實跡切謂當時彥
舟改過已受朝廷恩命忽復反覆背叛未必非揆有以啓
之揆迎彥舟於湘潭縣迤邐同來潭州彥舟反叛官員如
孟郭等例皆被害而揆與之間獨全揆雖以妻妾奉賊名
為驅虜前去其後猶遣人與彥舟通書不絕馬友之來揆
復與友款密假友討擊彥舟之功僥倖改官以除通判仍
權州事洎李宏殺馬友其徒黨盡掠在城公私之物帑庫
一空百姓官吏剥脫衣服悉皆裸露又甚於彥舟初叛之
時友下潰兵四出焚劫作過至今為患未已而揆與之間
坐觀變亂其身與家安然無事生計獨存考其始終變詐

百出陽為任職自立官府其實交結盜賊幸亂樂禍用意不測若乖朝廷遣帥提兵徑到潭州折其姦謀則揆與之間倚賊為湖南之害未有已特罪惡實為重大今推勘到張揆林之間等情理巨蠹死罪伏望聖慈察張揆林之間等情理巨蠹特降霽旨處斷施行庶為姦賊之吏不忠於國家者之戒

吳錫申提到李贇等奏狀

本司契勘先有馬友下潰散結此領王進王俊等五千餘人在潭州湘鄉安化縣界首占據七星寨四散打罵放火殺人作過臣尋遣前軍統制軍馬左武大夫泰州刺史吳錫

將帶人兵前去措置招捕續據吳錫申部領人兵至七星寨口數內有一項王俊等帶領一千餘人先次開走遠去外有王進等三千餘人被官兵圍掩無所逃遁並各情懇招降其王進等一行人兵及老小等已押赴本司公參逐一揀選並分隸諸軍使喚臣已具上項因依奏聞并申樞密院照會訖續鄧次據探報王俊等帶領一千餘人見在邵州界內出沒作過臣再遣吳錫將所部軍馬前去措置掩捕今據吳錫申到邵州賊在地名峯嶺高平等處剽寨去邵州城二十餘里錫遂將帶軍馬於十一月初四日五鼓以來乘賊不備直至峯嶺其賊恃險把定關隘錫鼓勇

一行將士不避矢石取奪到峯嶺關殺退賊徒追趕到高平大寨前有賊一千餘人分兩頭項與官兵接戰相拒至未時以衆賊衆大敗殺死賊徒四百三十餘人并活捉將官李贊收救到老小及被虜人共六百餘人外有其餘殘黨四散逃遁見不住追捕施行臣除已催促吳錫火急措置黏蹤追襲掩殺取令淨盡外須至奏聞者

獲到王俊下兵并奪到馬奏狀

契勘昨有馬友下潰兵統領王進王俊等五千餘人占據湘鄉縣七星寨放火殺人出沒作過臣本司差發兵將前去招捕除已招降到王進下人兵外有王俊下一頭項人

兵約一千餘人自安化縣走往邵州前去續據邵州申王
俊賊馬攻破邵州新化縣發出賊徒四向打罵逼近邵州
委是危急臣本司差撥統制官吳錫帶領所部軍馬前去
措置招捕獲吳錫申已於峯嶺關高平寨等處殺死賊徒
四百三十餘人并活捉到將官李贊并老小六百餘人外
有其餘殘黨四散逃避見不住追捕施行臣本司已具奏
聞并申樞密院照會訖再據吳錫申今月初七日追趕賊
徒至地名朱溪竹園其賊於山嶺上布陣與官兵交戰移
時賊兵大敗殺死賊徒五百餘人當陣殺到強壯賊兵三
百二十人奪到馬二十五疋老小六百餘人除沿路據被

虜家口節次識認外有見在老小三百一十九人及於衆
死屍中收到王俊前後付身告劄八紙印紙曆子一道請
受券曆一本外有賊徒三百餘人四散奔走申本司照會
除已行下吳錫壽發兵將子細根迹王俊的實下落及追
捕散走賊兵外須至奏聞者

湖南無潰兵作過奏狀

契勘臣恭奉聖旨將帶一行軍馬前來荆湖路措置盜賊
於八月十一日入湖南界探報曹成下約七萬餘人受福
是等路宣撫司招安自沅沅川起發前來沿路殺人放火
作過衛求今邵等州人心震恐臣本司差使臣齎

等前去約束及於衡州駐劄彈壓曹成人馬令取徑路
入江西界至九月十六日曹成人馬節次出境了當有馬
友下濱兵統領步諒等二萬餘人自江西袁州入湖南界
攻破醴陵衡山攸縣等處臣即時親統一行軍馬前來衡
山縣駐劄與賊對壘夜遣兵將渡江直搗巢穴招降到步
諒等人兵老小共二萬餘人除給據放散外得強壯六千
餘人分隸諸統制官下其步諒下有安鎮等三千餘人先
次出寨前去衡永州諸處打虜作過臣即時遣統領官陳
照馬準等前去招捕除殺死賊徒外招降到二千餘人亦
已措置分撥了當自衡山縣起發前來潭州已於十月初

四日交割職事體問得馬友下潰兵王進王俊等見在湘鄉縣占據七星寨虜掠作過臣即時遣發統制官吳錫等前去招捕除降到王進一頭項三千餘人外有王俊一頭項一千餘人開走遠去續據邵州申王俊犯邵州界內攻破新化縣四散打虜逼近邵州委是危急臣即時再遣吳錫將帶一項軍馬前去討捕據吳錫申兩次殺死賊徒近一千人生擒三百餘人獲到賊將李資等其餘殘黨並各走散臣即時行下吳錫湏管追襲招捕淨盡又續據吳錫申追襲前件賊徒至全州界殺獲賊徒及統領官榮貴外三擒到統領賊首王俊其餘賊徒七百餘人並已解甲殺

降委實爭盡及在江西湖南兩界首屯泊作過瀆兵亦已
遣發兵將逼逐遠去目今荆湖南路別無瀆兵作過民漸
歸業須至奏聞者

宋丞相李忠定公集卷之三十六

宋丞相李忠定公奏議卷之三十七

乞取益陽財賦還潭州奏狀

據右朝散郎都統直祕閣權發遣鼎州軍州事程昌禹申
十一月初三日准紹興二年九月十日尚書省劄子九月
九日奉聖旨令潭州權撥益陽縣財賦應副鼎州如本州
縣占恡及不供實收支錢糧報應聽鼎州按劾令佐下人
吏許勾決除已差官前去益陽縣外申本司乞指揮施行
須至奏聞者右契勘臣本司即未曾被受前項指揮自到
本路累據鼎州申錢糧急關臣本司昨兼宣撫荆湖北路
理合通融已於十月內逐急輟那銀一萬兩就益陽縣撥

米一萬碩應副支遣去訖今來又據程昌禹備到指揮令
權撥益陽縣財賦應副鼎州竊緣本司元被受聖旨畫一
指揮差兵二萬人節次蒙朝廷差撥軍馬及入湖南路招
降揀選到步諒安鎮王進等堪出戰人兵目今約已通及
二萬人數逐月支請錢米浩瀚依元降指揮係通撥二廣
合用財賦養贍今來既罷宣撫使荆廣四路各歸帥司即
本司見屯軍馬二萬人只今用湖南一路財賦支遣顯是
養贍不給若依前項指揮權撥益陽財賦即本路大段窘
急目前便見闕誤又緣湖南一路累經殘破民力困匱在
在川諸縣尤甚自經孔彥舟馬交等屯泊日久劫掠殆

蓋於湘陰一縣稅賦幾無人戶可催輸納通計諸縣見存
涸零人戶稅賦不多各條兵火後來不住應副岳飛韓世
忠大軍委是重困緩急難更科須所有本路軍馬見別具
利害申取朝廷指揮外伏望聖慈詳酌前項事理特降睿
旨將益陽縣財賦依舊充潭州支用其鼎州錢糧乞令廣
西路那融應副施行庶免誤事

討殺本路作過潰兵了當見措置楊么等賊奏狀
准紹興二年十月二十四日樞密院劄子樞密院奏訪聞
廣東西湖南路尚有盜賊餘黨若不乘時措置收捕了當
竊慮日久滋長作過奉聖旨令廣西湖南路帥臣提刑疾

速措置遣發兵將督責應干捕盜官會合討捕須管日近
淨盡不得容縱滋長作過仍遂旋具收捕次第申樞密院
劄送臣疾速施行臣今契勘先蒙聖恩除荆湖廣南路宣
撫使兼知潭州臣依奉聖旨統率大兵前來措置經理招
捕盜賊自八月十一日入本路界有馬交下潰兵首領步
諒等二萬餘人劫掠醴陵衡山攸縣等處臣遂遣發統制
官武顯大夫任仕安左武大夫泰州刺史吳錫等統率軍
馬直擣步諒等巢穴已招降到步諒一行人兵赴臣本司
公參又有馬交下潰兵首領安鎮翟忠王進王俊等數頭
領於潭衡永邵郴等州管下作過及劉忠下潰兵首領

王順兩頭項從江西路界侵犯本路瀏陽攸縣地分臣
節次措置遣發統制官吳錫部領軍馬討捕招收內安鎮
等四項已討捕招收了當節次奏聞并申樞密院去訖今
來臣本路管內即無作過潰兵外止是郴州管下土賊鄧
紫彭交接連江西廣南界分出沒及武岡軍管下徭賊接
連湖北出沒未平先已遣發統制官武翼大夫文州團練
使韓京各率領軍馬見措置掩捕外隣路江西界有馬友
李宏劉忠潰兵湖北界有土賊楊公等時復侵犯本路益
陽湘陰醴陵瀏陽茶陵攸縣管下亦已遣發兵將及督責
應干捕盜官把截捍禦不管透漏外謹具已措置討殺招

收了當及見措置招捕盜賊於後須至奏聞者

一已措置遣發軍馬掩殺及招降過盜賊

一本路管內作過潰兵並已掩殺招降了當

一馬交下潰兵首領步諒等二萬餘人劫掠醴陵

衡山攸縣殺人放火本司遣發統制官任仕安吳

錫率領軍馬措置招捕於九月十九日在衡山縣

管下吳集市殺降到步諒等二萬餘人並押赴本

司公參除被驅虜情願歸業人各給公據放令逐

便外揀選到強壯人兵六千餘人見分隸諸軍使

喚

一馬友下潰兵首領安鎮翟忠等三千餘人在衛
永郴州管下打劫殺人放火本司遣發統領官陳
照湯尚之招捕見陣殺死外於十月初一日招降
到安鎮等二千六百九十五人押赴本司公參除
被擄情願歸業人各給與公據放令逐便外揀選
到強壯人兵一千六十七人見分隸諸軍使喚

一馬友下潰兵首領王進王俊等五千餘人在湘
陰縣管下占據七星寨打劫殺人放火本司遣發
統制官吳錫率領軍馬措置招捕除王俊不肯受
降帶領賊兵開走外於十月十一日追襲到地名

蔡塘招到王進等三千餘人押赴本司公參除彼
驅擄情願歸業人各給與公據放令逐便外揀選
到一千五百一十八人見分隸諸軍使喚

一馬友下潰兵首領王俊等一千餘人不肯受降
開走劫掠安化新化縣逼近邵州殺人放火本司
再遣發統制官吳錫率領軍馬前去措置討捉續
據吳錫申於十一月初四日在地名峯嶺關高平
寨逢賊迎敵殺死四百餘人活捉到將官李贊一
名并老小六百餘人外其餘殘黨四散逃遁再行
追趕至地名朱溪竹園交戰殺死五百餘人當陣

殺降到強壯人兵三百餘人奪到馬二十五匹老
小六百餘人并收到王俊前後付身告劄印紙曆
子請受券曆外有王俊等三百餘人四散奔走再
行追趕先次招撫到提轄桑文等五十餘人外王
俊等復聚欲取山口并石限路奔衝永州全州界
分至十四日到地名太白村下寨三鼓以來賊兵
偷劫本軍所下寨柵本寨知覺掩殺至五鼓以來
其賊大敗追趕至武岡軍與邵州接界地名橫江
殺獲副統領榮貴并賊徒等生擒到王俊其賊勢
窮力屈乞就招降今招降到一行人兵七百餘人

馬一百餘死老小五十餘人外別無走散人兵委
是淨盡所有招降到人兵除被虜情願歸業人各
給與公據放令逐便外揀選到強壯人兵六百三
十四人分隸諸軍使喚

一隣路江西界作過潰兵並已掩殺出本路界訖

一劉忠下潰兵首領譚深在江西路界未知的實
人數近侵犯潭州瀏陽縣管下作過本司遣發統
領官陳照焦元部兵前去措置掩捕於十二月初
二日到瀏陽縣地名樓下沙堆逢賊譚深等一千
餘人迎敵殺敗追襲至地名楓林殺死賊徒五百

餘人生擒僞提轄仇青將官王瓊都教頭寧秀佗
伴三百餘人并收救被虜充小等又奪到岳飛差
人齎去御前招安金字牌一面岳飛公牒一道統
制官姓毛人勝一道黃旗一面其賊並各追襲掩
殺出離本界訖本司已將捉到賊首仇青等處斬
訖

一李宏下廣兵首領王開山各順約三千餘人在
江西界近侵犯潭州攸縣管下作過本司遣統領
官郝最馬準部兵前去掩捕於十二月初八日襲
逐賊人所向到袁州萍鄉縣并地名雙塘掩擊殺

死不計其數生擒到次首領五部統領孟進并賊徒七十餘人奪到旗三十餘面槍四百餘條鞍馬等及收救到被虜老小四百餘人外殘黨並各走散復入江西路界本司已將提到賊首孟進等處斬訖

一見措置遣發軍馬招捕盜賊下項

一本路

一賊首彭鐵大各友係在郴州桂陽縣宜城鄉三單團作過

一賊首鄧裝在郴州宜章縣管下見占據莽山創

案

一徭人首領楊再興等在武岡軍管下聚集萬衆出沒不常燒劫作過

一隣路見有盜賊由本路接界即今差兵將把截防托

一湖北路賊首楊么占據鼎州龍陽沅江縣管下地分恃水乘船出沒時復侵犯潭州益陽湘陰縣地分作過

一江西路界州縣見有劉忠李宏馬友下濱兵首領張成及姓高姓劉人數頭項未見的實人數時

奏議卷之三十七
復侵犯潭州瀏陽等縣作過

右件如前謹錄奏聞

楊么占據洞庭係湖北路本司已遣軍馬把截奏
狀

契勘土賊楊么黃誠等占據洞庭青草三江之險聚衆數
萬出沒鼎澧潭岳荆南漢州數千里之地爲荆湖腹心之
大患臣已嘗奏聞去訖以來賊寨數出勝文說言指斥自
稱爺爺不奉正朔殺戮如安使臣誘脅近地民戶兇悖不
遜大段猖獗若不起此春冬水涸之時速行討蕩竊慮將
來江湖水勢泛漲賊衆得計侵犯州縣難以支吾緣楊么

黃誠等寨柵巢穴並在鼎州龍陽沅江兩縣界去鼎州上
三二十里遠者不過五六十里於湖南潭州上與益陽湘
陰兩縣接界近雅尚書省劄子備坐今年九月二十四日
聖旨指揮節文認路帥臣帶宣撫者並罷荆湖南北路各
隸本路帥司劄付本司臣已遵依施行其鼎州係湖北路
即不隸屬臣本司照對鼎州有兵萬人屢與楊么賊徒見
陣慣習水戰見有戰船可用而臣本司元撥到兵將及新
收招降之衆皆係北人自來不諳水戰又臣初到湖南計
畫打造戰船倉卒未辦今來趁時討捕楊么黃誠平蕩巢
穴全藉鼎州進兵臣本司軍兵可防托把截本路界分使

嘆欲望聖慈特降睿旨催促鼎州及早進兵庶幾賊衆有殄滅之期不至滋漫

已撥益陽財賦並應副鼎州來年財賦取自指揮奏狀

勘會臣先蒙恩除荆湖廣南路宣撫使於今年八月內到本路據知鼎州程昌禹申錢糧急關乞行支撥臣已輟那錢三萬貫及續於益陽縣今來秋苗米內支撥一萬碩應副鼎州外及撥程昌禹申錄到尚書省劄子奉聖旨令潭州權撥益陽縣財賦應副鼎州緣臣本司及潭州即未曾蒙受前項聖旨已具因依申奏朝廷未蒙回降處分間又

累據程昌禹申委是急關乞支撥應副臣遂更不待朝正
報下逐急將本縣苗米除已撥一萬碩應副昌州及二千
碩般赴昌州應副張宗元等人兵支用外稍留本縣合用
之數有其餘正米六千餘碩并耗米四千餘碩並撥付昌
州去訖今又據程昌禹申本司錢糧闕乏乞將益陽縣財
賦盡數支遣應副尋行下本縣契勘據知益陽縣事魏舜
臣申本縣自今年正月一日至今每日所收酒稅牙契并
夏稅折納等錢蒙福建等路宣撫使司本路轉運司及本
州累行差官下縣盡數剋刷應副大軍支遣了當今來將
欲年終日逐續收錢數不多分椿諸司窠名餘剩豈小係

省錢只可應副得本縣批支土軍鋪兵及過往官兵外只有一色秋稅苗米豁去被賊殘破逃田等數實催二萬五千四百六十餘碩除已支撥及指留外應副鼎州正米一萬六千二百六十餘碩耗米四千二百四十餘碩通共應副過二萬五百餘碩節次搬赴鼎州訖今來本縣委實更無錢貫可以撥付鼎州臣已再行下本縣將紹興二年歲終見在酒稅牙契等錢除指留支用外盡數撥與鼎州訖臣已今照對承朝廷指揮諸路帥臣帶宣撫使並罷荆湖南北廣南東西各隸本路帥司本司一行軍馬支用錢糧浩瀚既無二廣財賦通融應副又撥益陽縣財賦應副

州委實難以支吾兼據程昌禹申本州屯兵萬人月支米一萬四千餘碩歲計支米一十六萬八千餘碩月支錢一萬五千餘貫歲計支錢一十八萬餘貫雖今來撥益陽一縣財賦其闕少數目尚多若非朝廷措置應副或於廣南西路支撥不惟鼎州決至闕誤兼湖南財賦窘迫亦難以供贍軍衆所有益陽縣今年冬財賦已盡撥別鼎州外其紹興三年分夏秋稅并酒稅牙契等錢更合畧自朝廷指揮伏望聖慈特降睿旨詳酌施行

宋丞相李忠定公奏議卷之三十七